


SMS

محمد عادل



إهداء  
مع حبي إلي عائلتي

الانتقام هو الماء الذي يطفئ نار الظلم النفسي.

- ١ -

في ليله داكنة ممطرة كان أحمد يقود سيارته.

أحمد: إيه الليلة العتمة دي؟! قالها وهو داخل علي الكوبري.

رن الموبايل ،

أحمد : هي ناقصه! نظر إلى الموبايل فوجد رسالة فتحها فوجد مجموعه من الحروف الغريبة.

أحمد: إيه الكلام الفارغ ده؟!

عندما التقت إلى الطريق لم يجده ولم يجد الكوبري ووجد نفسه في الهواء. فسقطت السيارة وتهشممت إلى ألف قطعة ومعها أحمد.

وهو يسقط وجد وجه فتاه شابه بعيون زرقاء وشعر اسود تحدق فيه من أعلى.

- ٢ -

هل أنا نفسي أم أن نفسي أصبحت شبحا؟

في الصباح التالي،

- أنا نفسي أعرف حاجه واحده بس إزاي العربية توقع من فوق الكوبري

من غير السور ما ينكسر أو أي آثار؟

قالها الضابط مدحت إلى مساعدته نور.

مدحت ضابط في العشرينات من عمره يرتدي بنائه سوداء وهو متواضع الطول ولديه ذقن دوجلاس.

نور : ممكن تكون الحادثة حصلت في مكان ثاني وحد نقل العربية هنا .

مدحت : إحنا مانعرفش الحادثة حصلت إزاي، لكن العربية مدمره خالص. ومنين ده اللي حينقل عربيه مدمره وصاحبها جواها وعشان إيه؟!

- معاك حق .

- الأخ اللي مات اسمه إيه؟

- أحمد الشريف وكان بيشتغل مهندس وسننوه ٢١ وابن عائلة غنية.

- أهلة عرفوا؟

- لسه من شوية .

- تعال نشوف الطبيب الشرعي قال إيه عن الحادث.

قالها وهو يغادر ان موقع الحادث.

دخل مدحت إلى غرفه المشرحة . الغرفة جوها بارد ويسودها جو كاتم مظلم . يقف الطبيب الكبير في السن ذو الشعر الأشيب أمام طاوله في منتصف الغرفة وعليها جثة أحمد الشريف مغطاة .

مدحت : إيه الأخبار يا دكتور علي ؟

- الأخبار مش كوبسسة . الجثة عضمها محطم . في عده أجزاء في الجسم محطم بطريقه شديدة . الطريقة الوحيدة أن يكون العضم تحطم بهذه الطريقة هي السقوط من مكان عالي جداً .

- زى كوبري مثلًا ؟

- مثلًا بالإضافة أن الجثة دي ماشفتش زيها قبل كده ولا قرأت ولا سمعت عنها ولا ح اسمع . دي جثة فريدة من نوعها .

- إزاي يعني ؟

- الجثة مالهاش عضو .

- عضو إيه ؟

- العضو الذكري .

- جري إيه يا دكتور ! ماتقول كلام غير ده .

- أتفضل شوق بنفسك .

ثم رفع الغطاء .

بدت على مدحت علامات الصدمة والتقرز ثم قال :

- آه فعلًا مش موجود . ثم التفت إلى د. علي وقال :

- مش ممكن يكون مستأصل ؟

- أنت مش فاهم ده ما فيش مكان مطرح العضو أصلًا أو أي آثار لأي عملية من إيه نوع !

- يعني إيه يا دكتور فيه حد بيتولد كده ؟ !

- ما فيش تفسير علمي للجثة دي بالإضافة أنا عندي تقارير طبية قديمه تثبت إن صاحب الجثة ذكر طبيعي . وحتى الجثة لما جت من موقع الحادث لم يكن هناك أي آثار دم على هدموه .

بدت الحيرة على مدحت .

د. علي : مش قولتلك جثة فريدة من نوعها .

- خرج مدحت من المشرحة وتبعد عليه الحيرة فإذا بشخص يظهر أمامه فجاء قائلاً:
- سيادة الضابط مدحت أحمد؟
  - مدحت : ايوة مين؟
  - أنا هشام عبد الرحمن صحفى.
  - عايز إيه؟
  - أنا عايز اعرف تفاصيل حادث أحمد الشريف.
  - ماعنديش حاجه أقولها.
  - ثم ابتعد عن هشام.
  - طب إيه حاجه طيب!
  - اطلع من نافوخي قالها مبتدعاً.
- نظر هشام حوله في ضيق وحيرة ثم دخل إلى المشرحة.
- وجد إمامه أحد عمال المشرحة.
- بقولك إيه ثم وضع يده في جيبه وأخرج ٥٥ جنيه ووضعها في يد العامل.
- إيه ده؟!
  - تعرف إيه عن جته أحمد الشريف؟
  - والله أنا باسمع كلام غريب جداً ماحدش يصدقه.
  - ماتقول.
  - ببقولك جته المرحوم مالهاش بناء.
  - بناء إيه؟
  - البناء إلى عند كل راجل.
- هشام وبدا عليه الاندهاش:
- حد استأصله يعني؟
  - لا ، ده ببقولك ماقاش عنده أصلاً.
  - يا عم أنت بتأكل بعالي حلاوة؟!
  - ثم نهض في عصبيه.
- أسؤال أي حد وهو ح يقولك نفس الكلام.
- نظر إليه هشام في شك ثم انصرف.

- في اليوم التالي في قصر الرشيدى كان يجلس ، مختار الرشيدى المليونير يبلغ ٦٠ سنه من العمر أشيب الشعر والشارب ممتلئ بعض الشئ وابنه طارق ذو ٢٢ سنه شاب طويل قوى البنية شعره اسود قصير ، للفطور رن موبايل طارق .

- الو ..
  - طارق ؟ مين معايا أنا حسني .
  - أنت عايزة إيه ؟ أنا مش قولنلك ماتتصلش هنا تاني .
  - أحمد الشريف مات .
  - في ستين داهية . إيه يعني ؟
  - ده بيقولك مات بطريقه غريبة جداً .
  - إزاي يعني ؟
  - بيقولك مالقوش ليه عضو .
  - أنت أهبل ! ده كلام فارغ و أكيد إشاعات . أظن أنا وأنت عارفين كويس أوي إن أحمد كان عنده عضو .
  - ماهو ده اللي ح يجذبني .
  - ماتتصلش تاني يا أهبل .
- وأغلق الخط**
- نظر مختار إلى طارق وقال:
- مين ده ؟
  - ده حسني .
  - حسني الشوربجي ؟ عايزة إيه ده ؟ إحنا مش كنا خلصنا منه ؟
  - مش عارف بيلقح بلاويه .
  - يكونش علشان صاحبكو اللي مات ؟
  - أنت عرفت ؟
  - منشوره في الجنان الحادثة بتعته . وناوله الجر نال قراء طارق الجنرال وبدت عليه اللامبالاة ثم قال:
  - إيه يعني في ستين داهية .
  - علي رأيك الناس ما وراهمش إلا البلاوي .
- 

- الانتقام شعور غامر باللذة . المنتقم لا يشعر بالراحة إلا إذا رأى انتقامه نفذ . ويشعر بلذة تنفيذه . الانتقام يخرج الروح من الجسد و يضع نار في الجسد وإذا انطفأت تعود كالعنقاء المنبعثة من الرماد . شعوري عند قتل الشريف كان لذيناً . والآن حان دور الآخرين لحرقهم نار انتقامي ويشعروا بكل جزء من الألم والرعب والندم والخوف . الثاني سوف تصبح ساعات والأيام سوف تصبح أسباباً والأسباب سوف تصبح شهور والشهور ستتحول إلى سنين والسنين ستتحول إلى قرون من العذاب .

- طارق طارق طارق . صدر صوت أنثوي ناعم.
- مين ؟
- مش عارفتني ولا إيه ؟ أنا ياسمين .
- ياسمين مين ؟!
- كانا يتكلمان في مكان مهجور محطم يغلب عليه اللون الأزرق
- ياسمين حبيتك حد ينسى العيون الزرقاء دي ولا الشعر الأسود إلى زى الحرير والشفافيف إلى زى الدم.
- ايوة هو أنتي ده مستحيل.
- الدم أنا عايزة أشوف دمك .
- دمي ؟
- ايوة عايزة أشوف دمك مغرق المكان ده .
- وفجاءه تحول لون المكان إلى اللون الأحمر وتحول وجه ياسمين إلى جمجمة قبيحة وانقضت على طارق وهي بتقول أنا عايزة دمك .
- لا دمي لا . قالها في فزع عندما استيقظ .
- ده كابوس .

#### دخل مختار عليه مسرعا

- فيه إيه
- لا ولا حاجه كابوس .
- خير
- أنت مش عايزة تعرف ؟
- قول .
- ياسمين
- إيه إلى فكرك بيها ؟ بدت عليه علامات الفلق والتوتر
- مش عارف كابوس .
- اسمع لازم تنسى الموضوع ده من دماغك خالص أنت سامع . قالها في لهجة أمره ثم انصرف .
- رن الموبايل رنه sms فتح طارق الرسالة كان محتوي الرسالة :
- لن تنجو !
- مين السخيف ده ؟ وحط الموبايل علي الكومدنيو وعاد للنوم .

- ممکن اعرف فين القضية إلي أنت بتحقق فيها؟ قالها صبحي إلي مدحت . نظر مدحت إلي رئيسه باستغراب .
- تقصد إيه يافندم ؟

- اقصد انه ما فيش اي دليل إن في جريمة أصلا دي مجرد وفاه غامضة .

كان صبحي هذا رجل في الخمسين من عمره ضخم الجثة له شارب ووجه صارم .

- ايوة يافندم بس القضية فيها أشياء مش طبيعية .

- والله مش واجبنا إن إحنا نكشف إسرار الكون إحنا ماعندناش قضيه أصلا . اعتبر القضية دي مقوله . قالها ورحل وأغلق باب مكتب مدحت وتركه وحيداً علي وجه خيبه أمل .

- مدام مني الشريف؟ سال هشام وهو يقف على عتبه بباب قصر الشريف .

- ايوة . مين حضرتك ؟

- أنا هشام عبد الرحمن صحفي كنت عايزة اعمل معاكى حوار بخصوص موت ابنك .

- أسفه مش عايزة اعمل حوار مع حد .

- طب بس . أغلقت الباب قبل إن يتم الجملة .  
وهو خارج من بوابه القصر قال له البواب

- ما رضيتش تقول حاجه صح ؟

- ايوة يا خويَا ما رضيتش

مد هشام يده في جيبيه واخرج خمسين جنيه ووضعها في يد البواب البواب: عايزة تعرف إيه؟

- كل حاجه عن أحمد .

- والله الله يرحمه بقي كان شاب سايب .

- إزاي يعني؟

- يعني سهر طول الليل وبنات وأبوه وأمه مش مهتمين بيها طول النهار في الشغل والسفر.

ثم اقترب من هشام وفي صوت خافت :

- والواد كان بيرشم . نظر له هشام نظره سخريه وتوقع .

- طب بالنسبة للشهور الأخيرة لاحظت علي إيه حاجه غريبة؟

- لا دي بقى عايزه خمسين ثانية .

هشام في ضيق : خد ياعم .

- تشكر

- أنا سمعت إنه كان بيزور داكتور

- داكتور إيه ؟

- اللي بيعالج البنبي ادمين اللي عقلهم مش ولا بد .

- داكتور نفسى ؟

- ايوة ... عليك نور يابيه .

- إيه ؟ كان بيعالج ؟

- مش عارف بس في الشهور الاخيره كان شكله مش طبيعي .

- إزاي ؟

- مش علي بعضاه . علي طول شكله خايف من حاجه . ومرعوب كده .

- أنت مش بتقول انه كان مدمن؟

- ايوة بس أنا كنت متعود علي منظره وهو متعاطي بس منظره في آخر شهر ماكانش طبيعي.

- طب الدكتور ده اسمه إيه؟

- جه في العزاء أمبارح أسمه يا رب إيه إيه ؟ آه عمرو بدوي

- وليله وموت أحمد شوفته؟

- ايوه كان خارج بالعربيه زى المجنون والليلة كان الجو مايعلم بيها إلا

ربنا .

- إلف شكر .

- العفو يا بيه

ورحل هشام بعيداً

- ٢

في احدى الطرق كان طارق يقود سيارته ويستمع إلى الراديو. فإذا به ينظر إلى أحد الإعلانات التجارية على الطريق. الإعلان عليه صورة فتاة تحمل تليفون محمول فعندما أقترب من الإعلان تحول وجه الفتاة فجأة إلى وجه ياسمين . فزع طارق وكاد إن يصطدم بسيارة أخرى

ولكنه تمكن من إيقاف السيارة على جانب الطريق. فتوقف في حاله من الرعب والفزع . فتح باب السيارة بيد مرتعشة . خرج من السيارة فوجد أمامه مقهى فدخله وهو يلهم وجلس على احدى الطاولات جاء النادل .

- جيب حاجه ساقعه .

- حاضر .

جلس هو يلقط أنفاسه ودفن وجهه في يديه إلى إن سمع صوت التلفزيون فنظر إليه فوجد مذيعه تتحدث في موضوعاً ما . وفجاءه تحول وجهها إلى وجه ياسمين . وقع طارق من فوق الكرسي ونهض وجري باتجاه الحمام فاصطدم بأمرأة وهو ينهض . نظر في وجهها فوجد وجه ياسمين ينظر إليه . زحف على الأرض ثم جري باتجاه الحمام فدخل وجري نحو الحوض وغسل وجه بالماء وهو يلهم فإذا برنه sms فاهتز في هلع فتح الرسالة فوجد مجموعه من الرموز والأرقام الغريبة .  
- أنا مش قولتك عايزه دمك .

استدر نحو مصدر الصوت فنظر إلى المرأة فوجد وجه ياسمين في المرأة وهناك ابتسامه مخيفه على وجهها وتحول الوجه إلى جمجمة بشعة المنظر .

وفجاءه انطفأت الأنوار واكتسي المكان باللون الأحمر وسقطت إمطار من السيوف والخناجر والسكاكين علي جسم طارق تمزق جسمه وتقطעה وهو يصرخ ولا احد يسمعه وانهالت مئات السيوف عليه إلى إن تحول جسمه إلى قطع وأشلاء وعادت الإضاءة ولكن لازال الحمام مكسي باللون الأحمر لون دم ..... طارق .

.....

الانتقام شعور لذيد لقد شعرت بلذة شديدة عندما خلصت الكون من هؤلاء الحثالة . مجرد اثنين لا هوية لهم ومجرد صفائح قمامه بشريه لا هم لهم سوي شرب المخدرات والسكر ويظنون إنهم طالما يمتلكون المال يستطيعون النجاۃ بأي شيء يفعلونه ولكن ليس معي أنا . لقد تخلصت منهم كما يستحقون وبأكثر الطرق مذله بتحقير ذكورتهم شكرأ أيتها أإلهه المعظمة  
لازال لدي حالة أخرى لأتخلص منها

.....

- نفس الحاله . قالها د . على في حيره .

مدحت: قصدك إيه؟

- كل أجزاء الجسم موجودة ولكن جزء واحد غير موجود .

نفس الجزء المفقود من القضية السابقة وتم تجميع البصمات .

تنهى مدحت في وسط الحمام الملطخ بالدماء والمليء بالأشلاء التي يجمعها فريق الطب الجنائي في أكياس .

د.علي : أنا خلصت شغل هنا . قالها وخرج خارج الحمام .

نظر مدحت في أرجاء الغرفة فوجد وسط الدماء تليفون محمول . التقطه وهو يرتدي قفاز أبيض . الشاشة ملطخه بالدماء فمسح بعض الدماء فوجد رسالة مليئة بالرموز الغريبة . ضغط ليعرف من الراسل . فوجد إمامه نجمه خماسيه محاطة بدائرة . نظر مدحت في حيره ثم وضع الهاتف في كيس بلاستيكي .

- لم يشاهد أحد شئ أو سمع أي شئ .

قالها نور

مدحت : القضية ح تجنني !

باقول لك المتعلقات بتاعت احمد الشريف كان فيها المحمول بتاعه

- ايوة بس كان مكسر .

- والشريحة كان أخبارها إيه؟

- موجودة .

- أنا عايزك تجيبها .

- حاضر .

- أنا عايزك تشووف أي علاقة بين احمد الشريف وطارق الرشيد .

---

- برضه ما فيش عضو؟!

التقت مدحت إلى الصوت وهو يقف أمام سيارته فوجد هشام عبد الرحمن أمامه .

- نعم أنت قولت إيه؟

- أنا بسال سيادتك برضه الجنة دي ما عندهاش عضو؟

مدحت في اهتمام : أنت بتخرف بتقول إيه؟

- آه أنت ح تتبع أسلوب التغطية على الجنة علشان الموضوع ماي عملش بلبله .

- أنا مش عارف بتكلم عن إيه ؟
  - أنا رأيي إن أحنا نبطل الأسلوب ده ونتعاون مع بعض أحسن .
  - أنا مشحتاج مساعدة حد .
  - يعني أنت عرفت مين القاتل ؟
  - مافيش قاتل وما فيش قضيه أصلا.
  - يعني إيه؟ آمال مين اللي قطع طارق ده حتن كده ؟
  - دي مجرد حادثه غامضة و هو ده موقفها .
  - ولو قدرت اجيبي لك حاجه تخليها قضيه ؟
  - حاول وح نشوف .
  - قالها وهو يدخل إلى سيارته وقادها متعداً .
  - وترك هشام وحيداً.
- 

وصل مدحت إلى مركز الشرطة وجلس إلى مكتبه ودخل عليه نور  
- الشريحة... أتفصل

أخذ مدحت الشريحة ووضعها في جهازه وفحص الرسائل فوجد آخر رسالة فيها تقريراً نفس مجموعه الرموز التي وجدها في هاتف طارق والمصدر نجمه خماسيه محاطة بدائرة نظر في حيره من أمره وصمت طويلاً.

مدحت : ماذا عن البصمات

- جميع البصمات كانت للأفراد الموجودين في المطعم والذين حسب شهادتهم كانوا مع بعضهم في وقت مقتل الضحية .  
صمت مدحت وتنهى تنهيده طويلاً.

- 
- أنا عندي ارق . قالها هشام للدكتور عمرو بدوي
  - تفتكر إيه سبب ده ؟
  - مش عارف يا دكتور .
  - أنت أي نوع من الصحفيين
  - قصدك إيه ؟
  - ممكن تكون بتشتغل في صحفه صفراء و ده جابلك نوع من تأنيب الضمير .
  - لا لا لا أنا باشتغل في صفحه الحوادث .

- ممكن تكون الحوادث اللي بتغطيها هي جايها لك الارق ده .  
- ممكن .

نظر هشام في إرجاء الغرفة محاولا البحث عن اي شي يمت لأحمد الشريف بصله  
فجاء رن الهاتف نهض د عمرو للرد ثم قال :  
- اسمحي لي ٥ دقائق .  
- أتفضل .

وخرج الدكتور خارج الغرفة .

نهض هشام ليبحث في الغرفة كالمجنون في المكتبة وفي المكتب . ولم يجد شي ثم نظر أسفل المكتبة . ليجد باب صغير مغلق . اخرج كارت صغير وفتح به الباب فوجد مجموعه من الملفات ووجد ملف لأحمد الشريف ووجد داخله شريط كاسيت ثم سمع أقدام تقترب فوضع الشريط في جيده . وأعاد الملف وأغلق الباب بسرعة .  
دخل د عمرو قائلا :

- أنا أسف عندي ظرف عائلي مضطر ان اذهب .  
- مش مشكله نبقي نكمل كلامنا وقت ثاني .  
- سيب نمرتك في الاستقبال . سلام .  
- سلام !

ثم رحل د عمرو .  
- ماأعتقدتش ح نشوف بعض ثاني .

-----

سيأتي اليوم الذي سيدفع فيه الجميع الثمن وسيصبح فيه الجميع عبره .  
سيرون وسيكتون من نار انتقامي ولن ترحمهم نار انتقامي . الجميع سيحترقون .

فل يجعل من الانتقام قصيده من العذاب والآلم للأشرار .  
الانتقام هو عالم حيث لا ينجو احد من العقاب وينال الجميع عقابه على كل خطئه .

العالم مكان صغير جداً لكي يتسع له انتقامي .  
الانتقام هو كأس أشرب فيه دماء أعدائي .  
الانتقام هو جبل من جثث أعدائي .  
الانتقام هو نهر من دموع أعدائي .

- أنا مش قادرة استحمل العذاب ده .

قالتها ليلي وهي تبكي في غرفه أمام د. أمال.

ليلي شابه في العشرينات من عمرها ذات شعر بني داكن وعلى شكل ذيل حصان وبشره بيضاء ناصعة و ذات قوام متوسط في الحجم و الطول . ود أمال سيده في الخمسينيات من عمرها بدينه بعض الشيء و تضع نظاره طبية و ذات شعر احمر غير مرتب وعيون زرقاء باهته .  
أمال : إيه اللي تبعك ؟

ليلي: العذاب أنا مش عارفه أنام أو اعمل أي حاجه في حياتي.

- لو قلتني إيه اللي تبعك نقدر نحل المشكلة .

- هي دي المشكلة أنا ما أقدرش أقول حاجه .

- ليه؟

- إيه حاجه أقول لها ح توديني في داهيه .

- ليه أنتي عملتي إيه؟

- ما أقدرش أقول ما أقدرش أقول .

قالتها وهي في حاله هستيرية من البكاء والانفعال .

- صارحيني والعذاب ده كله ح يزول .

- ما اقدرش .

قالتها صارخة وهي تركض خارج العيادة حاولت د أمال إن تناديها ولكن بلا فائدة .

في الضباب كان يقف حسان وفارسه

الفارس اسمه الغ فجاءه ضب

والحسان اسمه الانتقام

- أنا عايزة تقولي مصدر الرسالة دي منين ؟

قالها مدحت لمهندس الاتصالات عمرو .

نظر عمرو إليه وقال: أنا حاولت ما فيهش فايده .

- حاول تاني

- الجهاز الراسل مشفر لا استطيع اختراقه أو تحديد مكانه أو حني  
رقمه.

- جرب مره أخرى .  
- حاضر .

قالها وهو يستدير باتجاه الكمبيوتر .

عمرو : استني

مدحت : فيه إيه

عمرو : ممكن أكون لاقيت طريقه

مدحت: أخيرا

الا إن الشاشة أصبح لونها اسود فجاءه وظهرت نجمه خماسيه محاطة  
بدائرة علي الشاشة وبدا دخان يصعد من الجهاز .

جذب مدحت عمرو بعيدا عن الجهاز قبل أن ينفجر الجهاز .  
ظهرت ملامح خبيه الأمل علي وجه مدحت وهو يراقب حطام الجهاز  
وترك الغرفة غاضبا .

.....  
أحمد : أنا مش قادر استحمل يا دكتور

د. عمرو : إيه بالضبط اللي مش قادر تستحمله .

- الأحلام والكوابيس مش مفارقاني .

- الأحلام والكوابيس دي عن إيه؟

أحمد : عن ياسمين وشها مش عايزة يفارقني .

- مين ياسمين ؟

أحمد في صوت مرتعش: ما اقدرش أقول

د. عمرو في حزم : علشان اقدر أساعدك لا زم تقولي كل حاجه مين  
ياسمين دي .

أحمد: ما اقدرش ما اقدرش أنا لو نتفقت كلمه واحده ح أروح في ستين  
داهية .

د. عمرو وصوته بدا عليه الضيق : ليه أنت عملت إيه ؟

أحمد: أنا أسف مش ح اقدر أكمل الجلسة .

قالها في صوت مرتعش .

-----  
أوقف هشام الشريط وهو يقف هو ومدحت في مكان معزول ثم نظر  
إلي مدحت وقال: أظن الشريط ده يديك خيط .

مدحت في خيبه أمل: خيط لأيه بالضبط؟

هشام: للقاتل

مدحت : مافيش قاتل أصلا

- أنت عايز تقولي إن طارق وأحمد قتلوا نفسهم؟

- أنت مش فاهم ما فيش قضيه أصلا ما فيش بصمات ما فيش شهود  
ما فيش أدلة الجريمة ما فيش إيه اثر لجريمة.

هشام في انفعال : يا سلام !! أمال أحمد وطارق يبقي موقفهم إيه.

- مجرد حوادث غامضة .

- والملف أتنقل علي كده ؟!

مدحت وعلي وجهه ابتسame ساخرة : عليك نور !!!

- إحنا لا زم نعرف من ياسمين دي .

- ح تكون مهمة سهله خصوصا إن مصر مافيهاش الا ياسمين واحده  
بس !

- لا يا ذكي فيه ياسمين واحده بس يعرفها طارق وأحمد . طب أنت  
ما لا قيتش حاجه ؟

- ايوة رسالتين علي التليفون المحمول فيها رموز غامضة مجهرة  
المصدر .

- ما حاولتشر تعرف المصدر؟

- لما حاولنا نعرف الجهاز بتاعنا انفجر .

- نعم !?

- ايوة !

- ممكن أشوف الرسائل ؟

اخراج مدحت التليفون المحمول من جييه وشريحة  
نظر هشام إلى الرسالة الأولى ثم وضع الشريحة الثانية مكان الأولى  
مدحت : اكتشفت حاجه .

نظر إليه هشام في قلق : النجمه دي يتم استخدامها في السحر الأسود

مدحت : نعم يا خويا !?

هشام : أنا مش بهرج أدبني وقت اجمع معلومات وفي نفس الوقت  
حاول أنت تعمل إيه حاجه .

مدحت : أنا ما أقدرش أتحقق أو استكشف إيه حاجه أنا ما عنديش قضيه  
حاول أنت تجلبي حاجه اعمل منها قضيه .

هشام : الجرائم دي ما أنتهش وأنا حساس إن في جريمة تانية ح تحصل

إنها الساعة ١٢ وكان المحامي شوقي الشوربجي يخرج من باب مكتبه وهو في طريقه إلى سيارته . سمع صوت رنين المحمول رنه رسالة فتح الرسالة فوجد محتوي الرسالة الآتي : الإهمال يدمر . الإهمال المتعمد يقتل .

لم يبالي وأغلق الرسالة ثم استقبل رسالة أخرى فتحها فوجد مجموعه من الرموز الغير مفهومه أغلق الرسالة وهو يقول :  
- من هذا السخيف ؟

اتجه نحو سيارته ثم سمع صوت ينادييه من بعيد: شوقي شوقي  
التقت إلى الصوت ليجد قتاه يغطيها شعرها الأسود الأبيض تقف بعيدا  
تحت عمود النور والضوء مرتعش لا يوضح وجهها  
نظر و هو يحاول إن يعرف من . ثم قال: مين ؟  
قالت والضوء المرتعش على وجهه : أنا ياسمين .  
شوقي : ياسمين مين ؟

ياسمين وبدا علي صوتها الغضب : كده برضه تنسي ؟  
شوقي : انسني إيه  
ياسمين: قضائك

قالتها وقد أتنقلت من مكانها إلى المكان الواقف فيه مباشره في اقل من الثانية .

أصاب شوقي الفزع و سقط علي الأرض . ونهض هو يلهمث ليجد لا أحد أمامه نهض بسرعة وفتح باب السيارة وجلس ووضع المفتاح ليشغل السيارة ثم سمع نداء مره أخرى: شوقي  
نظر بجانبه فوجد ليلي و الدماء تنزف من رقبتها ومن عيونها ثم قالت :  
- أين سذهب يا شوقي ؟

أطلق شوقي صرخة عاليه ثم خرج خارج السيارة وهو يجري والخوف يسيطر عليه تماماً و انطلق يجري كالجنون ثم سمع صوت ياسمين يأتي من خلفه : أنت فاكر نفسك ح تروح فين !  
التقت إلى الوراء فوجد ياسمين تقف خلفه .  
قال هو يلهمث : أنتي عايزة مني إيه ؟

قالت وهي تقدم نحوه بهدوء إلى إن التصقت به وتحول وجهها إلى  
جمجمة: دمك !!!

ثم قامت بدفعه ليجد نفسه يسقط من فوق شلال كبير من الدماء ويسقط  
في قاع الشلال و الدماء تتهمر عليه. أطلق صرخات هisterie. ثم  
انجرف مع تيار النهر قليلاً ثم وجد مجموعه من التماسح تجتمع حوله  
و هو يستمر في الصراخ. ثم انقضت عليه التماسح دفعه واحده لتمزقه  
إلى أشلاء. إلى إن أصبح جسمه قطع غير متصلة ويمتزج دمه بنهر  
دماء.

.....  
أنا حا جن قالها مدحت وهو ينظر إلى أشلاء جثه شوقي في مسرح  
الجريمة .

د على : الجثة جميع أجزاء الجثة موجودة ماعدا جزء واحد أنت  
عارف إيه جزء أنا باتكلم عنه .

مدحت في حاله عصبيه : أنا عايزة تديني تفسير علمي إيه إلى ممكن  
يكون عمل في الرجال ده كده ؟

د على : الطريقة التي تم تمزيق بها الجثة دي طريقة حيوان مفترس  
بفأ قوي نقدر نقول أسد أو تمساح مثلاً .

مدحت: أسد أو تمساح يا سلام يعني أسد يهرب من جنينه الحيوانات  
علشان يقطع جثه البنبي ادم ده بس لا وكمان مايكولش إلا عضوه  
الذكري بس داه إيه أسد عامل دايت ولا تمساح إيه ده إلى هاربان من  
وراء السد العالي علشان يجي يأكل عضو ذكري .

د على وهو يرحل : أنا شغلي خلص هنا .  
مدحت: شكرًا يا دكتور .

نظر مدحت إلى نور وقال : عرفت إيه عن الضحية  
نور : أنا لا لقيت الرخصه في العربية بناعته اسمه شوقي الشوربجي  
يعمل كمحامي سنه ٥٥ أديني وقت علشان اجيب لك تفاصيل أكثر .  
نظر مدحت وسط الأشلاء فوجد جهاز المحمول ملطخ بالدماء نظر إلى  
آخر رسالة فوجد مجموعه من الرموز ومصدر الرسالة نجمه خماسيه  
محاطة بدائرة .

رن هاتف مدحت  
مدحت : الو

هشام : أنا هشام اسمع أنا لقيت حد ممكن يساعدنا .  
.....

- مين ده اللي ح يساعدنا ؟

قالها مدحت لهشام إمام ردهة في جامعه القاهرة.

هشام : درمزي وجدي انه متخصص في الأديان الغربية وفك  
الرموز والشفرات .

مدحت : خلينا نشوف ح يقول إيه .

طرق هشام علي الباب ففتح الباب رجل بيبدو في الخمسينات من العمر  
ذو شعر أشيب وذقن دوجلاس ونظاره وهو طويل القامة .

درمزي : تفضلوا .

دخل كل من هشام ومدحت إلى الغرفة وجلسا إمام مكتب د. رمزي  
ووضع مدحت التليفون المحمول وبجانبه الشريحة قام د. رمزي بفحص  
الرسائل .

هشام: النجمة مش بتاعه عبده الشيطان؟

درمزي : أنت صح ولكن ماتخصش عبده الشيطان لوحدهم في ديانة  
اسمها ويكا رمزها النجمة .

مدحت: وإيه الديانة دي ؟

د طارق : ديانة الويكا اتعرفت أول مره عام ١٩٥٤ من قبل رجل  
انجليزي يدعى جيرالد جرنادر وفي هذه الوقت كان اسمها  
Witch craft أو مايعني ممارسه السحر أو حرفة السحر . وحسب  
زعمه إن الديانة دي كانت موجودة قبل الميلاد ولكن لا يوجد إثبات على  
ذلك وهي ديانة وثنية ولديهم أكثر من الله .

هشام : والنجمة ترمز إلى إيه؟

درمزي: عندما يمارسون السحر فأنهم يقفون في دائرة فوق هذه النجمة  
والنجمة ترمز اللي الشرق . الهواء- الغرب. الماء- الشمال. الأرض-  
الجنوب النار

مدحت: بوليه عمرنا ماسمعنا عن الديانة دي؟

درمزي: بسب إن الديانة دي منتشرة في أوروبا وأمريكا أنا عمري  
ماسمعت عن حد عربي أو مصرى يتبع ديانة الويكا .

هشام: يعني اللي بيعت الرسائل دي أجنبي ؟

دمزي: الاحتمال الأكبر يقول كده .

اخراج درمزي قلم واخذ يفك رموز الرسائلين وبعد إن أنتهي  
أعطاهم الورقة اخذ هشام الورقة وقرأها بصوت عالي: ابراكادبرا

أيها الإله المكرم فلتجعل من الطريق الذي يسير عليه الحثالة غير  
موجود بعد ألان و حقر من ذكورته .

نظر مدحت الي هشام وقال هذا يتطرق تماما مع حادثه أحمد الشريف  
أكمل هشام القراءة و بدا علي صوته التوتر : ابرا كاديرا أيها الإله  
المكرم فلتجعل من جسد الحثالة أشلاء و حقر من ذكورته .  
مدحت هذا يتطرق مع حادثه طارق

نظر هشام اللي د رمزي وقال : الخلاصة أن الشخص الراسل هو  
أجنبى يتبع ديانة الويكا .

درمزي : أولا علشان يستخدم الموبایل لإرسال تعاويذ فانه شخص ذو  
خبره في الاتصالات وثانيا علشان الشخص ده يلقي تعاويذ بالقوة دي  
لازم يكون مطلع علي كتاب الظلال .  
مدحت : إيه كتاب الظلال ده ؟

درمزي : كتاب الظلال يحتوي علي اقوى وأقدم التعاويذ الخاصة بالويكا  
و معنى إن شخص ده مطلع عليه أو عنده نسخه منه انه مش شخص  
عادى  
ثم أكمل وبدت عليه الجدية الشديدة ده واحد من الكهنة الكبار .

.....  
- بذمتک مصدق کلمه من اللي قالها؟

قالها مدحت لهشام و هما يسيران باتجاه سيارة مدحت .

نظر إليه هشام في ثقة وقال: مصدق كل کلمه .

مدحت: ياعم سحر إيه وويكا إيه! ده شئ مش منطقي .

هشام : والتفسير العلمي وصلك لنتيجه؟

مدحت : ايوة کلام ده ما ياخوشش النافوخ .

هشام : وإيه إلي في حوادث دي يخش النافوخ .

رن هاتف مدحت

مدحت : الو

نور : أنا نور لاقيت معلومات عن شوقي الشوربجي .

.....  
شوقي الشوربجي ضابط سابق ومحامي حاليا متزوج وفاحش الثراء  
ويبلغ ٥٥ سنـه

قالها نور لمدحت وهشام و هما يجلسان في مكتب مدحت .

هشام : إيه مصدر ثروته؟

نور : ذا اغرب حاجه من حوالي ٦ أشهر كان شوقي ضابط عادي جداً وفجاءه استقال وبعد حوالي شهر وصلت ثروته إلى ٢ مليون جنيه !!  
مدحت : مش معروف المصدر؟

نور : حسب الأوراق التي قدمها شوقي تثبت انه كان له عم يدعى لطفي الشوربجي وكان ملبيونير وعندما مات ترك له الثروة في الوصية .  
هشام : إيه هي آخر قضيه توالها ؟

اخراج نور مجموعه من الأوراق وقال : قضيه اختفاء ياسمين لانكستر نظر مدحت وهشام إلى بعضهم البعض .

مدحت : وإيه نتيجة التحقيقات ؟

نور : لم يتم العثور عليها .

هشام : لانكستر هي أجنبية ؟

نور : ابني جون لانكستر انجلزي ومني كمال مصرية .

مدحت : ماذا نعرف عن الأب ؟

نور : أتي إلى مصر للعمل في بنك انجلزي كمحاسب وإداري وتزوج من مني كمال وأنجبا ياسمين وتوفي عام ١٩٩٠ .

هشام : ماذا كانت ديانته ؟

نور : غير معروف .

مدحت : من كان المشتبه بهم في قضيه اختفاء ياسمين ؟

فتح نور ملف القضية : أحمد الشريف - طارق الرشيد - حسني الشوربجي - ليلى فهمي - نادر شعبان .

هشام : واضح إن دي قائمه الموت !!!

مدحت : مني كمال هي فين دلوقتي ؟

نور : ٧ شارع ٩ المعادي .

.....  
قام هشام بالطرق على باب فيلا لانكستر .

فتحت الباب سيده تبدو في الستين من عمرها وذات شعربني طويل وعيونات وضئيلة الحجم

مني : أفندي ؟

مدحت : مدام مني كمال ؟

مني : ايوة .

مدحت : أنا الضابط مدحت وده الصحفي هشام عبد الرحمن .

مني : إيه خدمه ؟

هشام : عندنا أسئلة بخصوص جوزك .

قالت وهي تدعوه للدخول : افضلوا  
جوزك كانت ديانته ايه ؟  
قالها هشام هو يجلس على الاريكة.  
مني : مسلم .

مدحت : وقبل الإسلام ؟  
مني : كان ينتمي للديانة تدعى الويكا .  
نظر مدحت اللي هشام .

هشام : ماذا عن ليه اختفاء ابنتك ياسمين ؟  
مني : قالت أنها راحت تزور ليلي فهمي وما رجعتش من ساعتها .  
مدحت : وأنتي تظني أن المشتبه فيهم هم وراء اختفاء ياسمين .  
قالت والغل في صوتها : بكل تأكيد .  
هشام : جوزك كان عنده أخوه أقارب ؟

مني : عنده بنت من مراته المتوفيه .  
مدحت : اسمها ايه ؟  
مني : اندرية لانكستر .

هشام : وطبعا اندرية ديانتها الويكا .  
مدحت : وتعرفي فين اندرية لدوقي ؟  
مني : ما اعرفش انقطعت زيارتها من ساعة اختفاء ياسمين .  
هشام : كانت علاقتهم قويه ؟

مني : جدا كانت بتجي مصر مخصوص زيارة ياسمين .  
مدحت : طب هي موجودة في مصر لدوقي ولا في انجلترا ؟  
مني : اندرية ما تحبنيش لأنها بتلومني لترك أبوها ديانة الويكا .  
هشام : عندك صوره ليها ؟

قامت باتجاه المكتبة وأخرجت احد الألبومات وأخرجت صوره وأعطتها  
لهشام نظر هشام ومدحت إلى الصورة كانت ياسمين تقف في الصورة  
وبجانبها امرأه تبدو في الثلاثيات من العمر ذات شعر اصفر طويل  
وقوام طويل وعيون زرقاء وبشره ناصعة البياض وتبدو في الثلاثيات  
من العمر وتبدو عليها وياسمين السعادة في الصورة .  
نهض مدحت وهشام .  
مدحت : شكرا .

مني : ممكن أعرف الا سئله دي كلها كانت ليه ؟  
مدحت : بنحاول فتح القضية من جديد .

- أنت كان قصدك الكلام دا فعل؟

قالها هشام لمدحت وهمما يجلسان في سيارة مدحت.

مدحت : هي دي الطريقة الوحيدة اللي اقدر اخلي القضية دي رسميّه.

هشام : أنا بس ماكنتوش عايز نوع دع وعود كدابة.

مدحت : أنت مش فاهم حني لو لقينا اندرية حنبقض عليها بتهمه إيه

? رسائل الموبایل مافيش إيه دليل على وجود شخص تاني مع إيه من

الضحايا الثلاث

هشام : ممكن نحاول نوقفها

مدحت : نقف إيه إحنا مش فاهمين إيه حاجه أصلًاً ومتش متأكدين أنها هي ولا لأن.

ياسمين كان لها عيون مثلي .

كان لها وجه مثلي .

كان لها شعر مثلي .

كان لها صوت مثلي.

كان لها شفاه مثلي .

كان لها حياء مثلي .

كان لها جسد مثلي .

كان لها عيون مثلي .

كان لها أنف مثلي .

كان لها نظارات مثلي.

كان لها مخاوف مثلي.

كان لها لحظات سعادة مثلي .

كان لها لحظات حزن مثلي.

كان لها أحلام مثلي.

كان لها قلب مثلي .

كان لها صوت مثلي.

كان لها إحساس مثلي.

كان لها هوايات مثلي .

وألان لا توجد ياسمين.

ليس لديها حياء مثلي.

ليس لديها وجه مثلي.  
ليس لديها عيون مثلي.  
ليس لديها شفاه مثلي.  
ليس لديها صوت مثلي.  
ليس لديها شعر مثلي.  
ليس لديها جسد مثلي .  
ليس لديها نظارات مثلي.  
ليس لديها انف مثلي.  
ليس لديها مخاوف مثلي.  
ليس لديها لحظات سعادة مثلي.  
ليس لديها لحظات حزن مثلي.  
ليس لديها أحلام مثلي.  
ليس لديها قلب مثلي .  
ليس لديها هوایات مثلي.

العالم حرمني من ياسمين من أجمل زهره جعلت حياتي أجمل رائحة  
وأنا سأحرم العالم من الحالة التي حرمتني من ياسمين .

.....  
رن هاتف ليلي المحمول وهي تسير في أحد الشوارع.

اجابت

ليلي: الو

حسني : ليلي أنا حسني

قالت وبداعليها التوتر: أنته؟ عايز إيه؟

حسني : اسمعني بس ... أحمد وطارق وشوقى ماتوا.

ليلي : والمطلوب مني إيه؟

حسني : بيموتوا بطريقه مش طبيعة .

ليلي : أنا مش عايزه اسمع صوتك تاني أو إيه خبر عنك أو عنهم أنته  
فاهم؟

حسني : شوفي صفحه الحوادث في جرnan الحرية النهادره....

ليلي : سلام .

أغلقت الهاتف وبدا عليها التوتر.

.....  
جلست ليلي في غرفه نومها وكانت علي وشك إن تنام إلي إن رن  
الهاتف .

ليلي : الو

جاء صوت من بعيد يقول : ليلي؟

بد ا علي ليلي التوتر وهي تقول : مين؟

الصوت: كد ا تغدرني ببنا ياليلي؟

ليلي وصوتها يحمل خوف واضح : مين معايا ؟

الصوت : نسيتي صوت صاحبتك ؟

ليلي وهي ترتجف : صحبتى مين؟

الصوت: نسيتي صوت ياسمين؟

- لا

أطلقت ليلي صرخة مدوية وهي ترمي المحمول بعيدا فتحطم إلى قطع  
وانهارت من البكاء على السرير وهي تقول : مش ممكن لا أنا أكيد  
باهلوس .

---

- أنا مش بهرج أنا بكلمك بجد.

قالها حسني وهو يتحدث لنادر عن طريق المحمول.

نادر : بطل تخريف الـ ٣ ماتو في حادثه طبيعة.

حسني : اقرأ الجنان وحشوش إن الحادثة مش طبيعية.

نادر : أنا مش عايزة اسمع صوتك تاني .

وأغلق الخط.

بدت الحيرة والخوف على وجه حسني.

حسني شاب في العشرينات من عمره ذو شعر اسود قامة قصيرة وجه  
صاحب حواجب كثيفة .

أشعل سيجاره مخدرات وهو متوتر .

ثم رن المحمول معلن عن وصول رسالة .

فتح الرسالة وجد محتواها الآتي :

(الجبان يموت إلف مرره)

فحص المصدر فوجد صوره نجمه خماسيه محاطة بدائرة .

وضع الموبايل على الطاولة في خوف ويداه ترتعش.

وذهب إلى الحمام ليغسل وجهه ثم غسل وجهه من الصابون لينظر في  
المرآه فيجد ياسمين في وجهه سقط حسني على الأرض وهو يقول : لا  
مستحيل !!!

أغمض عيونه ثم فتحها مره أخرى فوجد صورته في المرأة.  
قال وهو يلهم : أنا لازم أبطل الهباب اللي أنا باشربه ده .

- ود لوقي حنعمل إيه؟  
قالها هشام إلى مدحت وهم يقفون في قسم الشرطة .  
مدحت : أنا فتحت قضيه اختفاء ياسمين من جديد .  
وأنا عايز اعرف شوقي جاب ثروته من منين؟  
هشام : من في رأيك الضحية القادمة ؟  
مدحت : تعال نجرب اللي اسمه حسني !

- حود من هنا .  
قالها هشام لمدحت وهو ينعطف بسيارته إلى شارع جانبي .  
ثم رن محمول مدحت معلنا عن وصول رسالة .  
فتح مدحت الرسالة فبدا عليه الذعر نظر إليه هشام وقال : في إيه؟  
وضع مدحت المحمول إمامه فوجد مجموعه من الرموز الغامضة  
هشام : هي عارفه إن إحنا قربنا ؟  
مدحت : أكيد حسني هو اللي عليه الدور !!  
نظر هشام إلى الشارع وبدأ عليه الاستغراب وقال لمدحت : إيه ده ؟!  
ده مش نفس الشارع إلى إحنا جاين منه !!!!  
نظر مدحت إلى الشارع باندهاش وقال : فعلاً !!!  
هشام : حود كده ثاني .  
انعطف مدحت بالسيارة عند المنعطف الثاني إلى إن وجد نفسه في نفس  
الطريق الذي أتي منه ظل مدحت يدور في نفس الدائرة حوالي ٣ مرات  
مدحت : دي بتأخرنا دي دخلتنا في متاهة!!!  
اخراج هشام مصحف من جيبه وقال لمدحت : حط أيديك معى وسوف  
نقرأ قل أَعُوذ بِرَبِّ الْفَلَقِ ....  
وضع مدحت مع هشام يده على القرآن وقاما بالقراءة .  
بسم الله الرحمن الرحيم  
قل أَعُوذ بِرَبِّ الْفَلَقِ مِنْ شَرِّ مَا خَلَقَ وَمِنْ شَرِّ  
النَّفَاثَاتِ فِي الْعَقَدِ وَمِنْ شَرِّ حَاسِدٍ إِذَا حَسَدَ  
صَدَقَ اللَّهُ الْعَظِيمُ  
بمجرد إن انتهيا ظهر نور أبيض ساطع وعادا إلى الطريق الصحيح .

في نفس التوقيت

كان حسني يجلس في غرفته ولا يزال يدخن سيجاره مخدرات .

ثم سمع صوت يأتي من جانبه يقول : ما تدينني نفس !

التفت إلى مصدر الصوت ببطء وعيونه فيها نظره رعب فوجد ياسمين تجلس بجانبه والدم ينزف من رقبتها وهي تحدق فيه .

قفز حسني وهو يصرخ من الفزع قام برمي السيجارة على الأرض

ثم قام بوضع وجهه بين راحته يديه وهو يقول : ده من السطل ده من السطل !!!

وهو يقول هذا الكلام احس بيد تمسك بكتفه نظر إلى الخلف في خوف والعرق يسيل منه .

فوجد ياسمين تمد يدها نحوه وهي تقول: كده برضه مش عايز تدي ياسمين حبيتك نفس ؟!

أطلق حسني صرخة هisterie ثم جري بسرعة من غرفته إلى بهو القصر إلى البوابة إلى الحديقة ثم وقف ليأخذ أنفاسه قليلا وهو يقول : مش ممكن يكون ذا بيحصل مش ممكن ....

- لا ممكن !!!

جاء صوت ياسمين من الخلف .

استدار حسني نحو الصوت فوجد ياسمين تتجه نحوه وهي تقول : أنت كنت فاكر نفسك ح تهرب من العقاب أنت والكلاب التانين !

كان حسني يقف بين عامودين نور فجاءه وجد احد الأسلال تخرج من عامود النور على الجهة اليمنى ليقيد يده اليمنى وسلك مثله من العامود ناحية الشمال ليرفعها حسني في الهواء وليصعقها حسني كهربائيا وتتأتي صاعقه من السماء لتصعقه تماما وتحرق جسمه تماما وتشويهه .

- أتلآخرنا تاني !!!

قالها مدحت لهشام وهمما يحدقان بجثه حسني بعد إن انزلها رجال المعمل الجنائي .

هشام : كأنها عارفة كل خطوه بنعملها !

مدحت : بالظبط !

تقدم د علي نحو مدحت ليقول له شي .

مدحت : والنبي عارف !!العضو الذكري مفقود وأسباب الوفاة غير منطقية !!!

رحل د. علي من دون إن ينطق بكلمه .  
رن هاتف مدحت المحمول .  
مدحت : الو

نور : أنا نور لاقيت معلومات عن اندرية لانكستر .  
مدحت : إيه؟

نور : اندرية واحده من اكبر كنه الويكا ومش كده وبس دي مهندسه اتصالات علي اعلي مستوى .

مدحت : يعني ما فيش شك أنها هي ؟

نور : مش كده وبس اندرية رئيسه لشركه اتصالات انجليزية رئيسه الفرع المصري .

مدحت : عرفت عنوانها ؟

نور : خد العنوان.....

..... - أنت بتهرج ؟

قالها هشام لمدحت وهم يقفون إمام حديقة منزل بالمعادي .

ثم أكمل : مش هو ده نفس البيت اللي ساكناه مني كمال ؟

مدحت : ايوة هو نفس البيت .

هشام : يعني هما الاثنين ساكنين مع بعض ومني كمال كدت علينا ؟  
مدحت: يمكن .

اتجه هشام نحو المنزل المجاور وطرق الباب . فتحت الباب سيده عجوز

هشام : سلامو عليكو

السيدة : وعليكم السلام

هشام : ممكن اسأل مين ساكن في البيت إلي جانبك ؟

سيده : واحده خواجيه اسمها اندرية لانكستر .

هشام : ومني كمال ؟

السيدة : مني كمال باعت البيت ده لأندرية من حوالي سن وعزلت .

بدت الصدمة علي هشام وقال: إلف شكر .

ثم التفت إلي مدحت وقال: إيه رأيك ؟

مدحت : رأيي إن إحنا نشوف اللي جوه البيت ده دلو قتي .

ثم اتجه نحو باب المنزل ثم كسر الباب وما إن حاول الدخول حتى  
اصطدم بجدار كهربائي خفي جعله يطير في الهواء خارج حديقة المنزل

جري هشام نحو مدحت .

هشام: أنته بخير؟ إيه إلى حصل ده؟!

مدحت: دي حاطه تعويذات على مدخل البيت.

هشام: لازم نتصل بليلي ونادر نذرهم.

.....

خرج نادر من الديسكو وهو يتربّح من فعل الخمر وفي يده زجاجة خمر . رن هاتفه المحمول.

نادر: الو !

مدحت: نادر اسمعني كوييس ارمي تليفونك المحمول .

نادر: أنت بتخرف بتقول إيه!!

مدحت: يابني يا حبيبي ارمي الموبایل بعيد وإلا حتموت .

نادر: حسني اللي قال لك تقول كده ؟

مدحت: يابني اسمع الكلام أنا ضابط بوليس وبأقولك ارمي تليفونك دلوقي.

نادر: حلوه أوّي النكتة دي .

وأغلق تليفونه واخذ يمشي في الشارع المظلم إلى إن سمع صوت يقول بالإنجليزية : تعرف من الكلاب اللي اغتصبوا أختي أنته الوحيد اللي حبيت اقتلها بنفسه.

نظر إلى اتجاه الصوت فوجد امرأة تقف في نهاية الشارع ذات شعر أصفر وترتدي السواد.

ثم اقتربت منه وهي تقول: لأن أنت اللي قتلتها.

نادر: أنتي مين؟

اندريا: أنا اندرية لانكستر .

قالت والغل واضح في صوتها

اندريا : الاسم ذا مايفكركش بحاجه؟

نادر: لا.

اندريا : لا طبعاً تفترك ليه؟! أنت والكلاب أصحابك كان كل همكوا تغتصبوا ياسمين! كانت مجرد فريسة بنسبة لكم .

قال وهو يتربّح : آه ياسمين ... دي كانت حلوه بشكل !!!!!!!!

أثارت الجملة الأخيرة غضب اندرية فاسودت عيونها تماماً واكتست باللون الأسود وقامت برفع نادر في الهواء وجعلته ثابت في مكانه ثم

أطاحت بزجاجه الخمر بعيداً وحطمتها إلى قطع ثم رفعت قطع زجاج  
حادة من بقايا الزجاج في الهواء وجعلتها تقترب من عنق نادر.  
اندريا في غضب وصوت عالي : أنا عايزة تحس نفس الإحساس اللي  
حاسيته ياسمين لما غرست السكينة في رقبتها .  
ثم حركت قطعه الزجاج ببطء ليبدأ غرسها في رقبة نادر وتبدأ الدماء  
تسيل من رقبته وهو يصرخ من الألم.  
اندريا : هل تحس بالألم أيها الوغد .  
ثم أكملت وهي تقول : تعرف إن أنا قريت شوية عن دينك اللي واضح  
انك ماتعرفش عنه حاجه  
ثم أكملت وهي تلتف حوله والدم يسيل من عنقه بوحد زيك قاتل  
ومغتصب ح يروح إلى الجحيم مباشره .  
ثم اقتربت منه ونظرت في عيونه وهي تقول بهدوء مخيف : بس قبل ما  
تروح الجحيم الإلهي أنا ح أخلفك جحيم على الأرض .  
ثم ابتعدت وقالت : ابراكاندرا  
أيها الإله المشرف اجلب الجحيم على الأرض لعدوي وحقر من ذكرته.  
ثم اشتعلت النار في جسد نادر وبدء نادر في الصراخ الهستيري وفقت  
اندريا تستمتع بالمنظر قبل إن تدير ظهرها لنادر وتسير متبعها وعلي  
وجهها ابتسame انتصار واستمتع ولا يزال نادر يصرخ في الخلف .

.....  
لقد قتلوا جزء من روحي عندما اغتصبوا وقتلوا ياسمين . جزء مني  
مات بسب هؤلاء الأوغاد  
لقد قضيت على جميع المغتصبين وعلى الذي أخفي جرمهم .  
والآن لم تبقى سوي واحدة التي باعتك يا ياسمين وعندما سأعرف أين  
أنتي وسترقددين في سلام إلى الأبد .

.....  
- دلوقي لازم نبتدئ نجمع الخيوط .  
قالها هشام لمدحت وهما يقفان في موقع احتراق نادر . وفريق الطب  
الجنائي يجمع ما تبقى من الجثة .  
مدحت : إيه ممكن يكون الرابط ما بينهم؟  
هشام : ياسمين مختفية صح؟  
مدحت : صح .  
هشام : علي الأرجح ميته .  
مدحت : ده الاحتمال الأكبر .

هشام : الأربع شبان لهم علاقة باختفائها أو بموتها .  
مدحت : وشوفي خد رشوه علشان يخلي التحقيق من غير نتيجة.  
هشام : ده بالضبط اللي فكرت فيه .  
مدحت : بس فين دور ليلى في الموضوع ؟  
هشام : دي الشخصية الوحيدة اللي مش قادر اعرف لها دور !!  
مدحت : يلا نحاول ننقد ما يمكن إنقاده .

دق باب منزل ليلى فتحت الباب فوجدت إمامها هشام ومدحت .  
ليلى : أفنديم ؟  
مدحت : أنا الضابط مدحت سلامه ودا الصحفي هشام عبد الرحمن .  
ليلى : إيه خدمه ؟  
مدحت : أنا عايز اعرف إيه علاقتك باختفاء ياسمين لانكستر ؟  
ليلى : أنا ما اعرفش حاجه عن الموضوع ده .  
مدحت : قبل ما تجاوبي عن إيه سؤال . ممكن الموبايل ؟  
ليلى : ليه ؟  
مدحت : ده لمصلحتك .  
أخرجت الموبايل وأعطيته لمدحت فقام بقذفه بعيدا .  
ليلى : إيه ده ؟  
هشام : ده لمصلحتك .  
ثم أكمل : دلوقتي آخر مره ياسمين كانت عايشه كانت جايه تزوراك  
إزاى ما تعرفيش إيه حاجه عن اختفائها ؟  
ثم جاء صوت أنثوي من الخلف يقول بالإنجليزية : أنا مش محتاجة  
موبايل علشان أقتلها ياحضره الضابط .  
التقتوا ألي الصوت فوجدوا اندرية تقف خلفهم مرتدية السواد بشعرها  
الأصفر بعيونها الزرقاء وقوامها الفارع .  
ثم لوحت بيديها لتطيح بكل من هشام و مدحت بعيدا .  
ثم قالت : ابرا كا دبرا !!  
فهبت رياح عاتية من خلفها ثم اسودت عيونها تماماً .  
قامت برفع ليلى في الهواء باشاره من يديها و رفعت يديها اليمني على  
شكل قبضه .  
اندرية بصوت مخيف عالي أجيشه :  
- اسمعني ياليلى سوف أسألك أسئلة وكل مره ترفضي الإجابة سوف  
أضيق القبضة وكلما ضيق القبضة كلما اختلفت أكثر .

نهض مدحت وصوب مسدسه نحو اندريا وقال : نزلتها .  
نظرت له في عدم اهتمام .

أطلق مدحت طلقه ناريه نحوها نظرت اندريا إلى الطلاقه وأوقفتها في  
الهواء وجعلتها تسقط على الأرض .

نهض هشام : ممکن ده مش ح يوقفك لكن ده ح يوقفك .  
واخرج مصحف صغير من جيبه وأشار به في وجهها .

اندريا : هذا كتابكم ؟  
مدحت : نعم .

اندريا : اشمعني يحميكم أنتوا وهي لا ؟

هشام : لأنها غير مؤمنه بيها ولا واحد من ضحايا کي كان مؤمن بيها .

مدحت : دلوقتی ممکن نعرف إيه سبب ده کله ؟

اندريا : اغتصبوا أختي وقتلوها والضابط غطي علي التحقيق علشان ما  
يتقضبس عليهم .

هشام : وأنتي عرفتي الكلام ده کله منين ؟

اندريا : أنا شوقت الحادثة كلها في رؤية .

مدحت : إيه علاقة ليلي بالموضوع ؟

النفت إلى ليلي بغضب وهي تقول :

- قولی ياليلي قولی إزاي أنتي بتعتی صديقتك أزاي اتصلتی بيها  
وطلبتي مساعدتها وتروح لك بيتك لكن أنتي ماكنتيش في البيت  
ثم أكملت وقد ضيقـت القبـضة : كان في شوية وحوش في بيتك مستـتين  
علـشـان يـغـتصـبـوا يـاسـمـين وـيـقـتـلـوـها .

ليلي وهي تختنق: أنا ماكنتوش اعرف إن هما ح يعملوا كده .

مدحت والغضب على وجهه: ليه عملـتـي كـدـهـ يـالـيلـيـ ؟

اندريا: أنا كمان عايزـهـ اـعـرـفـ عملـتـيـ كـدـهـ ليـهـ ؟

ليلي وهي تختنق: عـلـشـانـ عـلـشـانـ عـلـشـانـ ....  
وسـعـتـ اـنـدـرـياـ قـبـضـتـهاـ .

ليلي : عـلـشـانـ مـخـدرـاتـ بـبـلاـشـ .

أطلقت اندريا صرخة مدوية جعلت جميع زجاج المنزل يتـحطـمـ .

ثم ضيقـتـ القبـضةـ وأـصـقـتـ لـيلـيـ بالـحـائـطـ وقالـتـ بـغـضـبـ : دـلـوقـتـيـ أناـ

عاـيـزـهـ اـعـرـفـ جـثـهـ أـخـتـيـ فـيـنـ وـبـنـتـهاـ فـيـنـ ؟

هـشـامـ:ـ بـنـتـهاـ ؟ـ يـاسـمـينـ کـانـ لـيـهـاـ بـنـتـ ؟ـ

مدـحـتـ:ـ قولـيـ يـاـ لـيلـيـ وـهـيـ حـ تـسـبـيـكـ تعـيـشـيـ .ـ صـحـ يـاـ اـنـدـرـياـ ؟ـ

انـدـرـياـ:ـ تـقـولـ بـسـ ؟ـ

ليلي : أنا ح ح اقول ....  
فكت اندربيا قبضتها .

سقطت ليلي علي الأرض وهي تلهث ثم قالت : ح أقول لكوا علي كل حاجه .

- عايز اعرف حاجه أزاي أنتي مش قادرة تحدي مكان بنت أختك  
ووجهه أختك وأنتي ساحره ؟

سألها هشام وهم في سيارة مدحت .

اندربيا : في شي مانع قدراتي السحرية .

ليلي : أقف هنا .

أشارت ليلي لمدحت ليقف .

خرجوا جميا من السيارة فوجدوا أنفسهم إمام مبني ازرق صغير لم

يكتمل البناء الخاص به وبجوار المبني جامع .

ليلي : جته ياسمين تحت المبني الأزرق .

مدحت : وبنت ياسمين فين انطقي ؟

ليلي : وهي تبكي وضعنها في ملجا خلف الجامع .

مدحت : سا استدعى قوه وعمال للحفر .

هشام : الأرض دي بتاعه مين يايليلي ؟

ليلي وهي تبكي : بتاعه أبو نادر .

اقرب هشام ببطء من اندربيا وقال : أنا أسف على السؤال ده ... لكن  
هي بنت ياسمين شافت الحادثة ؟

اندربيا والدموع تسيل من عيونها : لا كانت في السيارة ولم تري شيئا .

هشام : أنا أسف .

اندربيا : شكراء .

- أنا عايز اعرف الطفلة دي عندكم في الملجا ؟

قالها مدحت وهو يسأل مديره الملجا وهو يحمل صوره في يده لطفله  
صغيره .

اندربيا : اسمها نشوه لانكستر .

مديره الملجا : ايوة ثانية واحدة .

ثم رفعت سماعيه التليفون وكلمت احدهم وما إن مرت دقائق حتى دخلت

نشوه الغرفة بعيونها الزرقاء بشعرها الأسود بجسمها الصغير وهي

تصبح بفرح : اندربيا !!!

سالت الدموع من عيون اندریا وهي تحضر نشوہ .

اندریا : وحشتني أوي يا حبيبتي .

نشوہ : وأنتي كمان. فين ماما؟

اندریا وبدا عليها الارتباك : بعدين يا حبيبتي ح ابقي اشرح لك .

هشام : فيه سؤال واحد أخير لما روحنا نزور مني كمال ده كان أنتي

مش هي صح ؟

اندریا: أنا أسفه.

هشام : مش مشكله .

.....  
ياله من منظر بشع حطم قلبي وأنا أري أختي وقد أصبحت هيكل عظمي مت Hollow بعد إن كانت من أجمل الفتيات التي رأيتهم في حياتي لن انسى هذا المنظر متى حيت وكل هذا بسب كلاب أو غاد.

الكثير من الناس يأخذون إخوتهم كأمر مسلم به. لكنهم لا يعرفون النعمة التي هم فيها. ليكون لديك شريك لروحك قريب منك تحس به ويحس بك هذا شي لا يقدر ثمنه ينبغي علي الجميع إن يقدره.

.....  
بعد شهر

- أخيرا القضية انتهت.

قالها مدحت لهشام وهم يقان على باب المحكمة.

هشام : تم إثبات رشوه شوقي وتورط جميع أهالي المغتصبون فيها .

مدحت: أوف... أخيرا الواحد ح يستريح شوية.

هشام : سؤال آخر .

مدحت : إيه؟!!

هشام : زوج ياسمين فين ؟

مدحت : توفي بعد سنتين من الزواج .

.....  
علي باب المحكمة كانت سيارة المساجين تقف وبداخلها كل من ليلي وولداتها ووالد كل من أحمد وطارق وحسني ونادر .

ثم نزل السائق ليحضر شي ما وترك هاتفه المحمول في السيارة

ثم رن الهاتف المحمول معلنا عن رسالة نظرت ليلي إلى الهاتف من

الشباك خلف مقعد السائق وأطلقت صرخة قوية وهي تقول:

- لا!!!!!!!!!!!!

ثم انفجرت السيارة إلى مائه قطعه .

.....

- هل ظنت فعلا إنني سأسامحها بعد ما فعلته بأختي؟ لقد ألقت بأختي إلى الذئاب. كان يجب إن أنهى حياتها وهي وكل من اخفي الجريمة التي ارتكبت بحق أخي .

والآن عندي أمل جديد في الحياة. هي نشوء هي نور حياتي الجديد . سوف أرببها لكي تصبح مثل أمها وسوف اعلمها كيف تدافع عن نفسها لكي لا يحدث لها كما حصل لامها .

والآن سوف ترقد ياسمين في سلام وقد ارتاح بالي.

ملحوظة الحوار مع اندر يا باللغة الانجليزية

تمت بحمد الله

شكر خاص  
إلى الكاتبة الجميلة الحرة مروة رخا لنشرها الرواية